

INUIT ATAQATIGIIT

Inatsisartuni



28. december 2020

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

- 1. Naalackersuisunit naapertuuttutut isigineqarpa Narsami eqqaanilu najugaqartut eqqortunik apeqqutitut akineqarsimangitsunut, killormuanillu VVM rapporti Kuannersuit pillugit tusarniaaneq aallartinneqareertoq, naak tamanna piginnaatitaaffigaluaaraat?**
- 2. Naalackersuisut pissusissamisut isiginerpaat paasissutissiinginnerit Narsami eqqaanilu najugaqartunut peqqissutsimut nalornginartut pillugit, Kuannersuarni aatsitassaqaassusaannut tunngatillugu peqqissutsimut ilisimatuuniit qanoq sunniisinnaaneritik akissuteqaqqaartinnagit?**
- 3. Naalackersuisut najugaqartut pisinnaatitaaffiinik qaangiataariinnarlutik ingerlatsinertik unitsissannginnerpaat tusarniaanertik unitsinnissaa suliaralugu minnerunngitsumillu qulaani taaneqartut ajornartorsiutit pillugit annerusumik paasititsiniutiginissaat?**

(Inatsisartuni ilaasortaq Mariane Paviasen, Inuit Ataqatigiit)

Tunngavilersuut:

Kuannersuarnut tunngatillugu paasititsiniaasernerit ingerlanneqartartut DCE-miit (Nationalt Center for Miljø og Energi) aammalu Namminersorlutik oqartussani atorfilinniit ilaatigullu nunatta nakorsaaneraniit paasissutissiineq aatsitassat peqqissutsimut sunniutigisinnaasaannik, tamassumunnga innuttaasut apeqquterpassui akineqaannartarnikuupput apeqquut akisinnaaguniku VVM- rapporti takoqqaartariaqarlugu. Ulloq 18.december VVM rapporti tiguneqarsimalerpoq Naalackersuisullu ullumikkut nalunaarput rapporti pineqartoq aqagumiit tusarniutigineqarluni aallartissasoq, tassa imaalerpoq apeqquterpassuit VVM rapportip tigoqqaarlugumik akineqarnikuusut akissutissarsivigineqaratik tusarniaannerit aallartinneqalertut.

Aammalu paragraf 37-imi nr: 200/2020-mi akissummi erserpoq DCE-kkut ersarissumik allassimasut peqqissutsimut tunngasortaannik oqaaseqarsinnaagatik, peqqissutsimut sunniutigisassaannut tunngasunik ilisimasaqarnertik killeqarmat. Nunattalu nakorsaanera minnerpaamilluunniit aatsitassat assigiinngitsut Kuannersuarniittunik peqqissutsimut qanoq sunniuteqartarneritut ilisimasaqarneritik takussutissaqarata. Innuttaasullu pisinnaatitaaffigimmassuk apeqqutigisaminnut eqqoqqissaartumik akissutisnissartik toqqissisimanermik inuuneqassagunik, taamaammatt Naalackersuisut piginnaatitaapput maannangaq akissutinik eqqortunik innuttaasunut paasissutissiinnissamik VVM rapportinik tusarniaanissaq sioqqullugu, taamaallilluni tamanut toqqissisimanermik pilersitsisussaalluni.

Kissaatigivara apeqqutikka ullut suliffiusut qulit qaangiutinnginneranni akineqarnissaat.